**Sarrera**

BAT-en zazpigarraren ale hau, mardul dator eta luze. Baina, gure ustez, euskaltzaleari onuragarri gertatuko zaio; baita anitz gogoeta iturburu ere.


Hiru Errepublika horien hizkuntz legeak argitaratzen ditugu, beren osoan. Baita beroien alderaketa bat, eta bertako jakitunen iritziak ere.

Bai Errepublika horien maila demografikoaren aldetik, bai etorkinen kupuru gaitzaren aldetik (Estonian eta Letonian, bereziki), Baltikoko gorabeherak ezin garrantzitsuagoak dira guretxat. Eta informazioa normalean eska izaten delako, ahalegina egin dugu apur hau bederen kaleratzen.


Baskongadetako eta Nafarroako ikastolen eta eskola publikoen arteko gorabeherak
ezagutzea osagarri egokia izan daiteke; nahiz batzutan (eta hauxe da Iturrrama-koen kasoa) somatzen diren ondorioak oso kezkagarriak izan. Bilboko egoeraren ezaguera ere demografikoki eta ekonomikoki Bilbok daukan garrantzia ezaguturik, guztiz beharrezkoa da; Ibon Arbuluk azpimarratzen duen "abiapuntuaren kaxkarra", larria izan arren.


Zer esanik ez maila apalagoton taigabe beste elkarte batzuk daramatena: IKA, Labayru, Ilazki, Maizpide... Lehenagotik hasitako ekimenari eutsiz, beste datu batzu agertzen dira hemen. Oraingoan helduen ikasketei dagokienez.

Hizkuntzaren "osasuna" (hizkuntzen erabilpena, beraz) soziolinguistikoki ikertu ohi da: xifreak, kopuruak, ehunekoak, estatistikak, inkestak... Baina hizkuntzaren beraren azterketaren bitartez, interferentzi maila soma daiteke; edo, beste hitzez esanda, hizkuntzen arteko menpekozta-maila. Lourdes Oñederra izan da, Dressler-en laguntzaz baliaturik, azterbide honen aldeko bultzada eman duena. Iruñeko UEUan eman zuen lehenengo irakatsaldia; eta orain lan mamitsu hau prestatu du "BAT"entzat. Sozio-linguista guztiok ematen diogu ongi-eterria.


Ohizko "Agendak" amaitzen du alea. Proposatzen zaizkigun Biztanle batzu, paseak dira jadanik; edo-ta "BAT-7" hau kalerakoan gertatzen ari. On da, halere, beroi ben berri izatea; bertan erabilitako gaiak eta txostenak oso maiz argitaratzen baitira.

Irakurketa aberasgarria izango zaizun esperantzaz.

Txillardegi